



KUVENDI I KOMUNËS

Procesverbal nga mbledhja e II-të (dytë) -e rregullt, mandati VIII-të, e mbajtur më 29 dhjetor 2025.

Mbledhja filloi në orën 10:20 dhe u mbajt në sallën e mbledhjeve të Kuvendit të Komunës.

Fillimisht mbledhjen e hapi dhe deri në zgjedhjen e Kryesuesit të Kuvendit e kryesoi z.Isak Ejupi në cilësinë e anëtarit më të moshuar të Kuvendit të Komunës, ndërsa pas zgjedhjes Kryesues i Kuvendit të Komunës së Podujevës z.Isak Shabani e kryesoi mbledhjen.

Në mbledhje të pranishëm ishin anëtarët/et e Kuvendit të Komunës së Podujevës:

Nga LVV, Adelinë Stublla; Artrit Mulliqi; Fatri Zhitija; Kasib Bashota; Florent Hasani; Valdet Kamerolli; Arbrim Konushevc; Flandra Kadriu; Luljeta Muçolli-Azemi; Vlora Jashanica; Haki Rudari; Abedin Zeka; Avni Islami; Qëndresë Hajrizi; Ardi Hasani.

Nga LDK, Enis Shabani; Alisa Jetullahu; Enis Dërvisholli; Besim Latifi; Valdet Restelica; Blerta Azemi-Berisha; Valon Demolli; Ekrem Rrahmani; Ermal Osmani; Gresa Qosa-Maqastena; Arben Xhemajli; Arnisa Sylejmani; Isak Ejupi.

Nga PDK, Isak Shabani; Lulzim Pollomi; Mimoza Abdullahu; Rinesa Goxhufi.

Nga GUXO, Demokrat Hodolli.

Nga Unioni i Blakçorve, Gentrit Arifi.

Nga AAK, Baki Feta;

Gjithashtu të pranishëm nga Ekzekutivi i Komunës ishin, z.Shpejtim Bulliqi Kryetar i Komunës; z.Fahri Restelica Nënkrjetar i Komunës, drejtorët e Drejtorive të Komunës, dhe atë;

(Avni Fetahu-Drejtorja e Arsimit DKA; Lirie Hoti Rama-Drejtorja e Shëndetësisë dhe Mirëqenies Sociale DSHMS; Saranda Stublla-Drejtorja e Pronës Kadastrit dhe Gjeodezisë DPKGJ; Bahri Selimi-Drejtorja e Shërbimeve Publike Mbrojtjes dhe Shpëtimit DSHPMSh; Shuajb Blakçori-Drejtorja e Inspeksionit DI; Vigan Salihu-Drejtorja e Planifikimit dhe Zhvillimit Ekonomik DPZHE)

Të pranishëm ishin edhe, përfaqësues media lokale (TV Llapi) dhe disa zyrtar komunal.

z.Isak Ejupi, Kryesues i mbledhjes, e hapi mbledhjen duke përshëndetur dhe duke i'u uruar mirëseardhje të pranishmëve në seancën e dytë të legjislaturës së VIII-të të Kuvendit të Komunës së Podujevës, theksoi, atëherë mund të fillojmë me seancën, të nderuar anëtarë/e të Kuvendit të Komunës, i nderuari Kryetar i Komunës, përfaqësues të mediave, për të kuptuar fillimisht kjo seancë është thirrur me rendin e ditës ku fillimisht do të bëhet dhënia e betimit të anëtarëve/eve të Kuvendit të cilët janë emëruar nga KQZ zëvendësues të ish anëtarëve të Kuvendit të cilët tash më janë emëruar në Ekzekutivin e Komunës, pastaj kemi zgjedhjen e Kryesuesit të Kuvendit të Komunës si pikë kryesore e kësaj mbledhje do të thoja, dhe në fund themelimi dhe përbërja e Komitetit për Politikë dhe Financa.

Pra thirrjen dhe materialin e kësaj mbledhje sigurisht e keni marrë me kohë dhe keni mund ta shqyrtoni, andaj sigurisht që pajtoheni të punohet me këtë rend të ditës sipas thirrjes dhe materialit përkatës, e pastaj të vazhdohet me shqyrtimin e temave të rendit të ditës, mirëpo paraprakisht Kryetari i Komunës ka kërkuar fjalën.

Vlen të theksohet se prezent janë të gjithë anëtarët/et e Kuvendit të Komunës së Podujevës, pra 35.

Meqë nuk pati të lajmëruar për të marrë fjalën, Kryesuesi i mbledhjes e konsideron se mbështetet unanimisht të vazhdohet me punë.

z.Shpejtim Bulliqi, Kryetar i Komunës, theksoi, i respektuari Kryesues i mbledhjes, i respektuari Nënkyetar i Komunës, drejtor të Drejtorive komunale, asambleistë/e të Kuvendit, meqë në këtë format çfarë jemi sot është takimi i parë dhe unë vetëm sa për informacion të asamblesë deshta t'ju informoj se gjatë kësaj periudhe kohore nga inaugurimi i ri i organeve komunale kam arritur ta emërojë një pjesë të Ekzekutivit të Komunës, duke filluar nga Nënkyetari i Komunës z.Fahri Restelica i cili tani e tutje do ta kryej punën e Nënkyetarit të Komunës pra, pastaj i kam emëruar edhe drejtorët e: Drejtorisë së Shërbimeve Publike Mbrojtjes dhe Shpëtimit, Drejtorisë së Planifikimit dhe Zhvillimit Ekonomik, Drejtorisë së Pronës Kadastrit dhe Gjeodezisë, Drejtorisë së Inspeksionit, Drejtorisë së Arsimit, Drejtorisë së Shëndetësisë dhe Mirëqenies Sociale, sigurisht po i shihni këta drejtor që janë ulur këtu përpara, prandaj ky ishte vetëm sa për informimin e juaj për të mos u krijuar ndonjë situatë të mundshme sa i përket emërimeve, kështu që tani e tutje këta të emëruar në kuadër të Ekzekutivit të Komunës do të kryejnë punën e tyre varësisht kompetencave dhe fushveprimatrive përkatëse që janë emëruar.

z.Isak Ejupi, Kryesues i mbledhjes, vazhdoi, pra edhe njëherë konstatoj se kuorum ka për të punuar sipas rendit të ditës dhe mund vazhdojmë pa vonesë.

Sa për rikujtimin e Juaj, deri në zgjedhjen e Kryesuesit të Kuvendit, mbledhjet e Kuvendit të Komunës thirren dhe udhëhiqen nga asambleisti më i moshuar i Kuvendit dhe në këtë rast jam unë, prandaj vazhdojmë me pikat sipas rendit të ditës, mirëpo para se të fillojmë me punë, jam i njoftuar se prezent janë edhe 4 anëtarët e ri të Kuvendit të cilët janë zëvendësuar nga KQZ dhe tani vetëm duhet që të bëhet verifikimi i mandatit të tyre dhe dhënia e betimit, fjala është për anëtarët e ri Abedin Zeka, Avni Islami, Qëndresë Hajrizi dhe Ardi Hasani në vend të ish anëtarëve Bahri Selimi, Vigan Salihu, Lirie Hoti Rama dhe Avni Fetahu të emëruar në Ekzekutivin e Komunës ashtu siç e ceku edhe Kryetari i Komunës paraprakisht, mirëpo para se të vazhdohet me punë meqë është formalisht kërkesë që të deklaroheni nëse ndokush prej këtyre anëtarëve të rinj është më i moshuar se unë, ndërkohë që unë jam i lindur më 06.11.1960, ju lutem mund të deklaroheni, nëse jo atëherë vazhdohet me procedurën e paraparë.

- Dhënia e Betimit nga anëtarët/et e Kuvendit të Komunës së Podujevës, *Abedin Zeka, Avni Islami, Qëndresë Hajrizi, Ardi Hasani, zëvendësues të anëtarëve të cilët janë emëruar në kuadër të Ekzekutivit të Komunës Bahri Selimi, Vigan Salihu, Lirie Hoti Rama, Avni Fetahu)*

Kryesuesi i mbledhjes, vazhdoi, anëtarët e rinj të cilët u cekën pak më parë duhet të japin betimin dhe të nënshkruajnë deklaratën përkatëse, por paraprakisht kërkohet nga Komisioni për verifikimin e mandateve të administroj këtë çështje e pastaj të jepet betimi nga ana e anëtarëve të rinj të Kuvendit, prandaj lus Komisionin në fjalë në përbërje Artrit Mulliqi, Besim Latifi, Rinesa Goxhufi, të bëjnë administrimin e verifikimit të mandateve të 4 anëtarëve të rinj të Kuvendit të Komunës, dhe pastaj të dalin me një raport të shkurtër rreth kësaj çështje.

Nga Komisionit për verifikimin e mandateve të anëtarëve të Kuvendit, në asistencë teknike të zyrtarit përkatës për punë të Kuvendit, bëhet verifikimi i mandateve të z.Abedin Zeka, z.Avni Islami, znj.Qëndresë Hajrizi dhe z.Ardi Hasani të cilët janë emëruar nga Komisioni Qendrorë i Zgjedhjeve si zëvendësues të ish anëtarëve të cilët janë emëruar në kuadër të Ekzekutivit të Komunës z.Bahri Selimi, z.Vigan Salihu, znj.Lirie Hoti Rama, dhe z.Avni Fetahu, dhe paraqitet njëkohësisht Raport, si në vijim;

znj.Rinesa Goxhufi, në emër të Komisionit për verifikimin e mandateve, duke përshëndetur të pranishmit, e paraqiti Raportin në fjalë, theksoi, në bazë të vendimeve të Komisionit Qendrorë të Zgjedhjeve konstatohet se z.Abedin Zeka emërohet anëtar i Kuvendit Komunal në Podujevë nga subjekti politik Lëvizja Vetëvendosje, duke zëvendësuar anëtarin e Kuvendit komunal z.Bahri Selimi, po ashtu z.Avni Islami emërohet anëtar i Kuvendit Komunal në Podujevë nga subjekti politik Lëvizja Vetëvendosje, duke zëvendësuar anëtarin e Kuvendit komunal z.Vigan Salihu, mandej znj.Qëndresë Hajrizi emërohet anëtare e Kuvendit Komunal në Podujevë nga subjekti politik Lëvizja Vetëvendosje, duke zëvendësuar anëtarin e Kuvendit komunal znj.Lirie Hoti Rama, si dhe z.Ardi Hasani emërohet anëtar i Kuvendit Komunal në Podujevë nga subjekti politik Lëvizja Vetëvendosje, duke zëvendësuar anëtarin e Kuvendit komunal z.Avni Fetahu.

Pra këto emërimet / zëvendësime janë bërë me vendime të veçanta të KQZ-së.

z.Isak Ejupi, Kryesues i mbledhjes, vazhdoi, dëgjua Raportin e Komisionit përkatës, tani ftoj z.Abedin Zeka, z.Avni Islami, znj.Qëndresë Hajrizi dhe z.Ardi Hasani, të ngritët në këmbë për dhënien e Betimit, unë e lexoj me zë tekstin në sekuenca kurse ju e përsëritni të njëjtin.

Me tekstin si në vijim:

Unë, (duke theksuar secili emrin dhe mbiemrin e tij) , betohem se do t'i kryejë me nder, me besnikëri, pa anime e me ndërgjegje dhe sipas ligjit detyrat dhe do t'i ushtrojë autorizimet e mia si këshilltar i Kuvendit të Komunës së Podujevës, në mënyrë që të sigurohen kushte për jetë të qetë për të gjithë.

Jepet betimi solemn dhe nënshkruhen deklaratat e betimit nga Abedin Zeka, Avni Islami, Qëndresë Hajrizi Ardi Hasani,

Rendi i ditës

z.Isak Ejupi, Kryesues i mbledhjes, theksoi, pra edhe njëherë konsideroj se thirrja e kësaj mbledhje së bashku me materialin përkatës ju është dërguar me kohë, andaj a pajtoheni të vazhdojmë me punë sipas rendit të propozuar të ditës, ju lutem deklaroheni me votim.

Pas votimit, u konstatua se Njëzëri me 35 vota PËR, miratohet rendi i propozuar i ditës sipas materialit përkatës të dërguar me thirrjen e kësaj mbledhje.

1. Procesverbali nga mbledhja inauguruese e Kuvendit të Komunës, mbajtur më 01.12.2025

z.Isak Ejupi, Kryesues i mbledhjes, theksoi, sigurisht që këtë material e keni marrë me kohë dhe keni mund ta lexoni, andaj urdhëroni nëse ndokush dëshiron fjalën për ndonjë kërkesë për ndonjë plotësim apo ndryshim në këtë procesverbal, nëse jo e hedhë në votim sipas materialit përkatës të dërguar me thirrjen e kësaj mbledhje.

Pas votimit, Kryesuesi i mbledhjes konstatoi se Njëzëri me 35 vota PËR, miratohet Procesverbali nga mbledhja inauguruese e Kuvendit të Komunës, mbajtur më 01.12.2025 sipas materialit përkatës të dërguar me thirrjen e kësaj mbledhje.

2. Zgjedhja e Kryesuesit/es të Kuvendit të Komunës së Podujevës

- *Ngritja e Komisionit për mbarëvajtjen e procesit të votimit*
- *Propozimi i kandidatëve*
- *Procesi i votimit*
- *Raporti i Komisionit për rezultatet e votimit*

z.Isak Ejupi, Kryesues i mbledhjes, theksoi, pra rreth kësaj mbledhje dhe lidhur me këtë pikë të rendit të ditës, si pikë më sensitive, sipas proceduarave ligjore, fillimisht duhet të bëhet;

➤ **Ngritja e Komisionit për mbarëvajtjen e procesit të votimit,**

Komision ky i cili duhet të përbëhet së paku prej 3 anëtarëve dhe më së shumti prej 5 anëtarëve/eve, andaj në rrethanat dhe kushtet që ne funksionojmë e dëshirueshme do të ishte që ky Komision të formohet nga 3 anëtarë/e nga subjektet politike me numrin më të madh të përfaqësimit në këtë përbërje të Kuvendit, prandaj nëse nuk ka të lajmëruar për të marrë fjalën rreth formimit të këtij Komisioni, unë po e hedh në votim përbërjen e komisionit që të jetë prej 3 anëtarëve e që besoj se do të jetë funksional dhe më e pranueshme

Meqë nuk pati të interesuar për të marrë fjalën, apo propozime tjera, Kryesuesi i mbledhjes konstatoi se unanimisht mbështetet propozimi që përbërja e Komisionit për mbarëvajtjen e procesit të votimit të jetë prej 3 anëtarëve, dhe atë nga tri subjektet me numrin më të madh të përfaqësimit në Kuvend.

z.Isak Ejupi, Kryesues i mbledhjes, vazhdoi, tani kërkoj prej subjekteve politike me numrin më të madh të anëtarëve/eve në Kuvendin e Komunës, të propozojnë nga një anëtar/e për këtë Komision, pra urdhëroni sipas radhës, nga LVV, pastaj LDK dhe në fund PDK.

z.Haki Rudari, theksoi, faleminderit i nderuari Kryesues i mbledhjes, të nderuar Kryetar dhe Nënkretar i Komunës, Ekzekutiv i Komunës dhe shumë të respektuar kolegë nga të gjitha partitë politike, të dashur qytetarë, meqë është diskutimi im i parë në këtë përbërje të Kuvendit të Komunës së Podujevës dua t'ju uroj të gjithëve për këtë proces dhe këtë mandat katër vjeçar.

Sa i përket Komisionit për mbarëvajtjen e procesit të votimit për zgjedhjen e Kryesuesit të Kuvendit, ne LVV propozojmë z.Fatri Zhitija.

z.Besim Latifi, theksoi, faleminderit i nderuar Kryesues i mbledhjes, anëtarë/e të Kuvendit, në emër të LDK-së, për anëtar në Komisionin në fjalë propozoj profesor z.Valdet Restelica.

z.Lulzim Pollomi, theksoi, përshëndetje të gjithëve, anëtarë/e të Kuvendit të Komunës, në emër të PDK-së propozoj znj.Mimoza Abdullahu për anëtare në Komisionin e cekur.

Kryesues i mbledhjes, theksoi, ju falënderoj shumë parafolësit për propozimet e paraqitura, urdhëroni nëse ndokush tjetër dëshiron fjalën rreth kësaj çështje, nëse jo atëherë e hedh në votim ngritjen e Komisionit për mbarëvajtjen e procesit të votimit për zgjedhjen e Kryesuesit të Kuvendit të Komunës së Podujevës, sipas propozimeve të paraqitura.

Pas votimit, Kryesuesi i mbledhjes konstatoi se Njëzëri me 35 vota PËR, mbështeten propozimet e paraqitura për anëtar/e në Komisionin në fjalë, respektivisht, ngritët Komisioni për mbarëvajtjen e procesit të votimit për zgjedhjen e Kryesuesit të Kuvendit të Komunës së Podujevës, në këtë përbërje: Fatri Zhitija-nga LVV, Valdet Restelica-nga LDK dhe Mimoza Abdullahu-nga PDK.

Komision i cili fillon punën menjëherë dhe ka mandat deri në kumtimin përfundimtarë të rezultateve të votimit, përkatësisht zgjedhjes së Kryesuesit/es të Kuvendit, dhe që ndër të tjera detyrë dhe përgjegjësi e tij është që të kujdeset për mbarëvajtjen e procesit të votimit, të bëjë numërimin e votave dhe t'i komunikoj rezultatet e votimit para anëtarëve të Kuvendit të Komunës, si dhe çështje tjera që ndërlidhen me procesin e votimit.

➤ *Propozimi i kandidatëve*

z.Isak Ejupi, Kryesues i mbledhjes, theksoi, sipas procedurës përkatëse, tani në radhë kemi propozimet për Kryesues/e të Kuvendit të Komunës së Podujevës. Sa për sqarim ju përkujtoj se sipas legjislacionit në fuqi, të drejtën e propozimit e kanë; -Subjektet politike në kuadër të përbërjes së Kuvendit, -Nismë qytetarësh, apo kandidat i pavarur i përfaqësuar në Kuvend, -Ndonjë grup i këshilltarëve apo një këshilltar.

Do të thotë që Kryesuesi i Kuvendit duhet të jetë nga përbërja e këtij Kuvendit mirëpo propozimet mund të bëhen në këtë formë, andaj urdhëroni mund të fillojmë me propozimet.

z.Haki Rudari, theksoi, Grupi i këshilltarëve të LVV-së me përbërjen më të madhe prej 15 këshilltarëve të Kuvendit, në këtë përbërje të Kuvendit, nuk kemi kandidat për Kryesues të Kuvendit të Komunës, dhe kushdo qoftë që zgjedhët apo propozohet, ne vetëm i urojmë suksese.

z.Besim Latifi, theksoi, është paksa e habitshme apo ndoshta një lojë kjo e cila është pasi që krejt Podujeva e dinë për marrëveshjen e fshehtë të cilën e keni bërë, andaj mos bëni lojëra por vazhdoni me propozimin e juaj, nëse ju nuk keni propozim as ne nuk kemi propozim dhe vazhdojmë tutje.

z.Lulzim Pollomi, theksoi, i nderuar Kryetar i Komunës, Nënkyetar i Komunës, të nderuar anëtarë/e të Kuvendit Komunal, të nderuar qytetarë, zonja dhe zotërinj, duke u bazuar në Ligjin për vetëqeverisje lokale neni 41 nën-paragrafi 41.1, Statutin e Komunës neni 25, Rregulloren e punës së Kuvendit të Komunës së Podujevës neni 13 përkatësisht neni 14 paragrafi 14.1 nën-paragrafi b), në emër të Grupit të këshilltarëve të PDK-së, sot para juve po paraqesim kandidaturën për Kryesues të Kuvendit të Komunës së Podujevës të z.Isak Shabani, një emër i njohur dhe i dëshmuar në shërbim të vendit, qytetarëve dhe të Republikës së Kosovës.

z.Isak Shabani është veprimtar i çështjes kombëtare, ish bashkëpunëtor i ngushtë i Heroit Zahir Pajaziti, ish i burgosur politik dhe i mbijetuar i masakrës së Dubravës, duke bartur mbi vete sakrificën dhe përgjegjësinë morale të një brezi që kontribuoj drejtpërdrejt për lirinë që ne sot e gëzojmë. Pas liritimit nga burgu ai nuk u ndal në përkushtim dhe vullnet, vazhdoi dhe përfundoi studimet në fakultetin e mjekësisë duke dëshmuar se ndërtimi i vendit kërkon dije, profesionalizëm dhe përkushtim afatgjatë.

Në rrafshin institucional dhe profesional ka një përvojë të gjatë dhe shumë të respektuar, ai ishte për 17 vite zyrtar i lartë në Ministrinë e Shëndetësisë, 3 mandate asambleist komunal, dhe ish Deputet i Republikës së Kosovës, duke njohur në thellësi funksionimin e pushtetit lokal dhe atij qendrorë, dhe kjo përvojë e pasur e kombinuar me integritet personal, maturi politike dhe kulturë institucionale e bën zotëri Isak Shabanin një kandidat serioz dhe të denjë për funksionin e Kryesuesit të Kuvendit të Komunës së Podujevës, një rol që kërkon unitet, respekt për Rregulloren, barazi për të gjithë asambleistët dhe përkushtim ndaj interesit publik.

Me bindje se Kuvendi Komunal ka nevojë për një udhëheqje të përgjegjshme, gjithëpërfshirëse dhe dinjitoze, kërkoj nga Ju që ta mbështetni zotëri Isak Shabanin si Kryesues i Kuvendit të Komunës së Podujevës.

z.Isak Ejupi, Kryesues i mbledhjes, meqë sipas Ligjit votimi për Kryesuesin e Kuvendit duhet të bëhet me vota të fshehta, atëherë do të ishte mirë që të mbajmë një pauzë dhe propozoj që të jetë për rreth 20 minuta në mënyrë që të përgatitet nga aspekti teknik materiali për votim, mirëpo paraprakisht pyes a ka ndonjë propozim tjetër për Kryesues Kuvendi, nëse jo atëherë ftoj Komisionin për mbarëvajtjen e procesit të votimit i cili u ngrit para pak qestesh që të mblidhet dhe koordinohet sa i përket procesit të votimit, ndërsa në qoftë se nuk ka të lajmëruar tjerë për të marrë fjalën, shkojmë në pauzë për rreth 20 minuta.

Në propozim të Kryesuesit të mbledhjes, Kuvendi shkon në pauzë prej rreth 20 minuta (nga ora 10:45) për qëllim të përgatitjes së Fletëvotimeve dhe procedurave tjera sa i përket procesit të votimit për zgjedhjen e Kryesuesit të Kuvendit.

Pas pauzës, mbledhja vazhdoi në ora 11:15.

Në fillimin e vazhdimit të seancës prezent në sallë ishin 33 anëtar/e të Kuvendit, ndërsa pas disa minutave përbërja e Kuvendit të Komunës kompletohet duke qenë prezent të gjithë në sallë, pra gjithsej 35.

z.Isak Ejupi, Kryesues i mbledhjes, e hapi vazhdimin e mbledhjes, theksoi, sa për rikujtim edhe njëherë e theksoi që procesi i votimit është i fshehtë, ndërkohë që për tu zgjedhur në votimin e parë kandidati i propozuar për Kryesues i Kuvendit të Komunës duhet të marrë më shumë se gjysmën e votave të Kuvendarëve, do të thotë së paku votat Për, të 18 kuvendarëve.

Procesi i votimit, në raundin e parë, fillon duke u thirrur këshilltarët e Kuvendit emër për emër, të cilët nënshkruhen në listën e votimit, marrin fletëvotimin e vulosur për të votuar, votojnë dhe pas përfundimit të votimit, Komisioni paraqet raport.

Fjalën e ka kërkuar njëri prej anëtarëve të Komisionit përkatës, urdhëroni.

z.Fatri Zhitija, në cilësinë e anëtarit të Komisionit për mbarëvajtjen e procesit të votimit, theksoi, ne si Komision kemi përgatit dokumentacionin procedural, e kemi listën e anëtarëve të Kuvendit, po ashtu janë shtypur dhe i kemi vulosur 35 fletëvotime për raundin e parë, kutin e votimit e kemi këtu si dhe vendin për votim në pjesën andej ku do të votohet, siç po e shihni, andaj konsiderojmë se çdo gjë është në rregull dhe mund të fillohet me procesin. Pra mund të fillojmë duke i thirrur me emra anëtarët/et e Kuvendit me radhë sipas listës përkatëse, të cilët nënshkruhen, marrin fletëvotimin e vulosur, shkojnë tek vendi për votim, dhe në fund e hedhin votën në kuti.

➤ **Procesi i votimit** (raundi i parë)

Komisioni për mbarëvajtjen e procesit të votimit (në përbërje z.Fatri Zhitija, z.Valdet Restelica dhe znj.Mimoza Abdullahu) fillon punën duke verifikuar fletëvotimet fillimisht, listën e anëtarëve të Kuvendit të Komunës, pastaj duke thirrur emër për emër sipas radhës gjithë anëtarët/et e Kuvendit të cilët (përveç 13 anëtarëve/eve të subjektit politik LDK të cilët nuk morën pjesë fare në procesin e votimit), sipas radhës nënshkruhen në listën e pjesëmarrjes në votim, marrin fletëvotimin e vulosur dhe votojnë me votim të fshehtë.

Pas votimit nga anëtarët/et që votuan, Komisioni fillon me punë sipas procedurave përkatëse ku fillimisht z.Fatri Zhitija në emër të Komisionit deklaroi se duke u bazuar në nënshkrimet e anëtarëve sipas listës përkatëse të cilët kanë votuar, nga 35 anëtar/e të Kuvendit sa janë gjithsej, 22 prej tyre kanë marrë pjesë në procesin e votimit, dhe në vijim vazhdohet duke hapur kutin e votim dhe tërhequr fletëvotimet, duke bërë numërimin e votave, dhe pastaj i njëjti paraqet;

- **Raport rreth mbarëvajtjes së procesit të votimit, dhe i njëjti komunikoi rezultatet e votimit.**

znj.Mimoza Abdullahu, në emër të Komisionit për mbarëvajtjen e procesit të votimit për Kryesues të Kuvendit të Komunës, e paraqiti Raportin në fjalë, theksoi, si Komision konstatojmë se prej 35 anëtarëve/eve të Kuvendit të Komunës së Podujevës, 22 prej tyre kanë marrë pjesë në procesin e votimit.

Nga 22 anëtarë/e të Kuvendit që kanë marrë pjesë në votim, 21 vota janë PËR. Kurse 1 votë është e PËRMBAJTUR, andaj me këtë rast zotëri Isak Shabanit i urojmë zgjedhjen Kryesues i Kuvendit të Komunës së Podujevës për këtë mandat 4 vjeçar.

z.Isak Ejupi, Kryesues i mbledhjes, theksoi, atëherë në bazë të Raportit të Komisionit për mbarëvajtjen e procesit të votimit dhe komunikimit të rezultatit të votimit në raundin e parë, konstatohet se me 21 vota PËR Kryesues i Kuvendit të Komunës së Podujevës në mandatin e VIII-të zgjedhet z.Isak Shabani, të cilin nga kjo foltore e uroj dhe i dëshiroj suksese dhe punë të mbarë si dhe njëkohësisht e ftoj që tani të marrë funksionin e Kryesuesit të Kuvendit.

Konstatim:

Nga 35 anëtarë/e të Kuvendit të Komunës së Podujevës, 22 prej tyre kanë marrë pjesë në procesin e votimit, prej tyre 21 vota janë PËR, 1 votë e PËRMBAJTUR, ndërsa 13 anëtar/e të Kuvendit nuk marrin pjesë në procesin e votimit, dhe nga ky rezultat Komisioni përkatës si dhe Kryesuesi i mbledhjes konstatuan se Kryesues i Kuvendit të Komunës së Podujevës zgjedhet z.Isak Shabani, i cili edhe nga ai moment merr Kryesimin e Kuvendit.

z.Isak Shabani, Kryesues i posa zgjedhur i Kuvendit të Komunës, pas marrjes së detyrës, e paraqiti fjalë rasti, theksoi, i nderuari Kryetar i Komunës z.Shpejtim Bulliqi, Nënkyetar i Komunës z.Fahri Restelica, i nderuari Kryesues i deritanishëm i mbledhjeve z.Isak Ejupi, drejtor të Drejtorive Komunale, të dashur asambleistë zonja dhe zotërinj, përfaqësues të mediave, të dashur qytetarë, së pari ju falënderoj sinqerisht për besimin e dhënë duke më zgjedhur Kryesues të Kuvendit të Komunës së Podujevës. Ky besim është nderë i madh për mua, por mbi të gjitha është përgjegjësi për të marrë këtë detyrë me përlusësi dhe seriozitet të plotë.

Dua të theksoj qartë se unë jam njëri nga ju, një asambleistë në mes asambleistëve, i barabartë në mendim, në përgjegjësi dhe në përkushtim ndaj qytetarëve që na e kanë dhënë mandatin.

Në ushtrimin e kësaj detyre dhe në përkushtim ndaj qytetarëve që na e kanë dhënë mandatin, në ushtrimin e kësaj detyre ju garantoj se do t'i respektoj të gjithë pa dallim, do ta respektoj Rregulloren e punës së Kuvendit, Statutin e Komunës së Podujevës si dhe të gjitha Ligjet dhe aktet juridike në fuqi.

Kuvendi duhet të jetë shembull i rendit, respektit institucional dhe debatit konstruktiv, është detyrë dhe e kuptoj si detyrë në shërbim ndaj qytetarëve dhe do të angazhohem maksimalisht që puna e këtij Kuvendi të jetë sa më transparente, ligjore dhe në interes të përgjithshëm. Çdo vendim dhe çdo akt që do ta nxjerrim dua të jetë në përputhje me Ligjin dhe në shërbim real të qytetarëve të Komunës tonë.

Paraprakisht ju kërkoj falje për çdo gabim të mundshëm nga ana ime sepse gabimet janë njerëzore, por njëkohësisht ju njoftoj se çdo sugjerim, rekomandim apo kritikë konstruktive për mbarëvajtjen e punës së Kuvendit dhe për shërbimin ndaj qytetarëve unë do ta shohë si vlerë dhe kontribut të përbashkët.

Besoj fuqishëm se vetëm me bashkëpunim dhe respekt të ndërsjellët dhe përgjegjësi institucionale mund ta bëjmë këtë Kuvend një zë të denjë për qytetarët që përfaqësojmë.

Përndryshe falënderoj edhe ata të cilët nuk më dhanë sot besimin, por mbi të gjitha jam një personalitet i tillë që i kuptoj edhe qëndrimet politike, pra faleminderit edhe prej Grupit të LDK-së, dhe faleminderit të gjithëve.

3. Themelimi i përbërjes së Komitetit për Politikë dhe Financa

➤ *(Propozim vendimi për themelimin dhe përbërjen e Komitetit për Politikë dhe Financa)*

z.Isak Shabani, Kryesues i Kuvendit të Komunës, vazhdoi, të nderuar/a siç e dini tani në rend të ditës tani me radhë kemi themelimin e përbërjes së Komitetit për Politikë dhe Financa-KPF, mirëpo paraprakisht ju lus që nëse ka mundësi përfaqësuesit e Grupeve të subjekteve politike të bëjmë një pauzë rreth 10 minuta në mënyrë që të kemi një konsultim paraprak sa i përket strukturës, përbërjes dhe përfaqësimit të KPF-së, materialin e keni marrë më herët kështu që besoj se me një takim konsultativ do të biem në dakord për përbërjen dhe përfaqësimin në KPF.

z.Ekrem Rrahmani, theksoi, fillimisht uroj kolegët të cilët nga sot kanë marrë mandatin e ri, po ashtu edhe ty i nderuar Kryesues të uroj dhe shpresoj që do të jesh bashkëpunues dhe që do të kontribuosh për Kuvendin e Komunës.

Arsyeja përse nuk votuam ne Grupi i LDK-së në procesin e zgjedhjes së Kryesuesit është sepse ndoshta është dashur që edhe neve por edhe qytetarëve t'ju tregohet që keni një koalicion, nuk është marre, edhe pse ne e dim që ky Grupi tjetër që ty të bëri Kryesues të Kuvendit për çdo ditë ka thënë që “ju jeni me Listën serbe, jeni kështu jeni ashtu”, dhe kjo është arsyeja pse është vazhgitë deri sot e që deri në ditën e fundit të mos zgjedhet Kryesuesi i Kuvendit, mirëpo nuk është marre të dilej paraprakisht të tregohet që kemi bashkëpunim dhe jemi marrë vesh se kush do të jetë Kryesues i Kuvendit, e ndoshta atëherë do të votonim edhe ne, por jo ne të vijmë në Kuvend dhe të mos dimë asgjë rreth kësaj çështje (pra edhe mu martu edhe martesë të jetë tinëz, nuk ka ashtu).

Kështu që i nderuar Kryesues i Kuvendit, për çdo gjë që është për qytetin dhe qytetarët e Komunës së Podujevës neve na ke mbrapa dhe shpresoj se do të kalojmë mirë.

z.Isak Shabani, Kryesues i Kuvendit, vazhdoi, siç e ceka pak më parë tani ju ftoj për një pauzë të shkurtër rreth 10 minuta këtu brenda hapësirave të Komunës dhe njëkohësisht ju ftoj në një takim në sallën numër 52 shefat ose përfaqësuesit e subjekteve politike për qëllim të konsultimeve rreth përbërjes së KPF-së, mirëpo edhe njëherë ju lus të qëndroni në hapësirat këtu në Komunë sepse pas rreth 10 minutave do të rikthehemi për të vazhduar besoj vetëm me propozimet dhe votimin e KPF-së, mirëpo paraprakisht meqë po kërkohet të ketë deklarime se kush janë shefat e Grupeve të subjekteve politike, atëherë urdhëroni mund t'i paraqitni.

z.Artrit Mulliqi, theksoi, në emër të këshilltarëve të LVV-së, për shef të Grupit e propozojmë z.Haki Rudarin.

z.Ekrem Rrahmani, theksoi, në emër të Grupit të LDK-së, shef të Grupit e kemi profesor Besim Latifin.

znj.Mimoza Abdullahu, theksoi, nga PDK, shef të Grupit e kemi z.Lulzim Pollomi.

z.Isak Shabani, Kryesues i Kuvendit, theksoi, atëherë ju falënderoj dhe nga tani shkojmë në takimin e paralajmëruar me përfaqësuesit e subjekteve politike në Kuvendin e Komunës së Podujevës.

Në Kërkesë të Kryesuesit të Kuvendit, shkohet në pauzë për 10 minuta (ora 11:35) dhe atë për qëllim të konsultimeve me përfaqësuesit e subjekteve politike sa i përket përbërjes dhe përfaqësimit në Komitetin për Politikë dhe Financa.

Pas pauzës, mbledhja vazhdoi në ora 11:50, konstatohet kuorumi ku prezent ishin të gjithë anëtarët/et e Kuvendit.

z.Isak Shabani, Kryesues i Kuvendit, vazhdoi, sa për njoftim ju them se nuk e di kush ka thënë që Grupet e këshilltarëve nuk merren vesh lehtë ngase ne shumë lehtë u morëm vesh për çështjen në fjalë për çka ju jam mirënjohës përfaqësuesve përkatës të subjekteve politike.

Mbi të gjitha ne u përcaktuam për përbërjen dhe strukturën e Komitetit për Politikë dhe Financa i cili do të jetë prej 9 anëtarëve, normal duke respektuar edhe përfaqësimin gjinor, e që në bazë të përqindjes së përfaqësimit në Kuvend, Grupit të LVV i takojnë 4 anëtar/e, Grupit të LDK-së 3 anëtar/e, Grupit të PDK-së 1 anëtar/e si dhe Kryesuesi i Kuvendit sipas pozitës zyrtare.

Prandaj meqë për këtë që e potencova patëm një dakordancë në takim, kalojmë me propozimet nga ana e subjekteve politike sipas radhës.

z.Fatri Zhitija, në emër të Grupit të LVV-së, për anëtar/e në përbërjen e KPF-së propozoi z.Haki Rudari, z.Artrit Mulliqi, znj.Adelinë Stublla dhe znj.Qëndresë Hajrizi.

z.Besim Latifi, në emër të LDK-së propozoi që në KPF të jetë znj.Alisa Jetullahu, z.Enis Shabani dhe z.Ekrem Rrahmani.

z.Lulzim Pollomi, në emër të PDK-së për anëtare në KPF e propozoi znj.Mimoza Abdullahu.

z.Isak Shabani, Kryesues i Kuvendit, theksoi, atëherë unë po i lexoj emrat e propozuar (*lexon propozimet e bëra*), si dhe unë Isak Shabani në cilësinë e Kryesuesit të Kuvendit i cili sipas detyrës zyrtare është edhe Kryesues i Komitetit për Politikë dhe Financa.

Urdhëroni nëse ndokush dëshiron fjalën rreth kësaj çështje, nëse jo atëherë e hedh në votim themelimin dhe përbërjen e KPF-së sipas propozimeve të paraqitura nga Grupet e subjekteve politike siç u cekën më lartë.

Pas votimit, Kryesuesi i Kuvendit konstatoi se nga 35 anëtarë/e të Kuvendit, me 33 vota PËR, asnjë votë KUNDËR, asnjë votë e PËRMBAJTUR (2 anëtar nuk votuan), themelohet Komiteti për Politikë dhe Financa, në këtë përbërje:

1. *z.Isak Shabani, Kryesues i Kuvendit (sipas pozitës)*
2. *z.Haki Rudari, anëtar nga subjekti politik LVV*
3. *z.Artrit Mulliqi, anëtar nga subjekti politik LVV*
4. *znj.Adelinë Stublla, anëtare nga subjekti politik LVV*
5. *znj.Qëndresë Hajrizi, anëtare nga subjekti politik LVV*
6. *znj.Alisa Jetullahu, anëtare nga subjekti politik LDK*
7. *z.Enis Shabani, anëtar nga subjekti politik LDK*
8. *z.Ekrem Rrahmani, nga subjekti politik LDK*
9. *znj.Mimoza Abdullahu, anëtare nga subjekti politik PDK*

Meqë nuk pati të lajmëruar për të marrë fjalën, Kryesuesi i Kuvendit e konstatoj të përfunduar këtë mbledhje.

Mbledhja përfundoi në orën 11:55

**Procesverbalin e mbajti dhe hartoi;
Enis Sheholli**

Nr.Prot.01-060/04-0082936/25

**Podujevë,
29 dhjetor 2025**

Kryesuesi i mbledhjes
(Deri ne zgjedhjen e Kryesuesit)
Isak Ejupi

Kryesuesi i zgjedhur i Kuvendit
Isak Shabani